

雜
劇
三
集

黃鶴樓

西神鄭 瑜著

五供養

生扮呂純陽末扮柳樹精隨上生一從我

辭洞天。歷神州。蹴盡了白赤雙毬。騎著黃鵠。袖著
青虬。暮蒼梧。朝碧海。幾度朗吟烟岫。知我者。城南
柳。笑殺他。百年歷塊。七尺浮漚。芒履柳瓢。寄此身。
劍光如電。繞紅輪。當時候。學長生訣。多染閭浮世。
上塵。我呂純陽。厭居天上。遊戲人間。足徧九州。期
將千載。久不到黃鶴樓了。不免再去走一遭。上樓

介

新水令。又攜孤劍上危樓。渾不改嶽。穹江溜。但桑田驚浪起。又滄海。詫塵浮。木落雲收。覺萬點遠峯瘦。我每登岳陽樓。多是沈東老。作主人。前月去訪他。已去世了。

駐馬聽。他兇竿頻浮。白酒釀成緣好友。牙籤獨守。黃金散盡。把書收。樂陶陶。同我三醉岳陽樓。室蕭蕭。甘貧豈羨西鄰富。到如今。幾閱春秋。乘興訪居停。又蚤薤露驚殘漏。我前日。榴皮畫鶴的。酒家翁。

不知了、在老柳你去問他、柳應下上白去問人都
不曉得、只有一個八九十歲老人、說他父親曾說
有一個仙人、畫鶴的酒家、去世有百餘年多了、生
歎又笑介

步步嬌

我只道紅杏青帘村依舊、萬古遊人轉玉

佩捐金貂授、誰知他塵世裏歲月苦如流、尋不見
黃公賣酒壚、到處做了吹笛山陽秀、如此良宵、不
可無酒、我身邊不帶杖頭、去縣是斷然不肯的、老
柳把葫蘆去盛些江水來、我把丹藥點成酒飲罷、

末下取水上點飲介

殿前歡。漫夷猶。試將那金丹醞就釣詩鉤。笑當年
逡巡狡獪。今還又吸柳瓢。當翠甌。飄楓葉。殷紅袖。
算從來帶礪成烏有。到不如醉鄉茅土常保得。賜
履糟丘。末仙師做仙人是極快活的了。又聞得世
人說不知仙人肚裏苦。這怎麼說。生咳。若說仙人
的苦。更甚于世人。五百年便要遭一風劫。末怎麼
樣的。

攪箏琶

一會的逞颼颼。砂石走。一會的穿肌腠。骸

骨。搥。糜。碎。在。九。萬。里。扶。搖。枉。費。却。三。千。功。授。受。末
仙。師。怎。麼。躲。過。了。生我。尋。著。一。個。女。兒。後。來。該。封
兩。國。夫。人。的。他。綉。戶。紗。窗。重。簾。疊。帳。風。屑。不。通。我
變。一。小。蟲。可。在。他。金。釧。上。那。風。伯。雨。師。曩。了。一。夜。
窗。戶。打。得。粉。碎。只。是。不。敢。揭。他。帳。兒。挨。過。時。刻。到
天。明。方。得。脫。了。此。難。虧。殺。那。錦。蘇。垂。鴛。衾。扣。仗。五
花。雲。暖。免。一。葉。霜。秋。聽。聲。靜。簾。閒。辨。色。曉。窗。幽。五
百。年。再。御。冲。虛。袖。猛。思。量。尚。兀。自。小。鹿。心。頭。末過
了。此。劫。就。沒。有。苦。了。生怎。麼。沒。有。苦。再。過。五。百。年。

還要遭一火劫。**末**怎麼樣的、

沉醉東風

一霎價祝融回祿跟求。一霎價豐隆烈

缺尋搜畧引著內丹田。自燎原便頃刻臭皮囊。成

灰垢。**末**這遭怎麼樣躲了。**生**我尋著一箇書生、後

來拜相封侯的、我扮做遊學的、與他講論相得、那

一夜與他同睡、那雷火喧嚷了一夜、椅棹都打得

稀爛、只不敢近他的臥榻、巴得天明、又被我脫了

此難、虧殺了塵埃紫綬、博得個薦福轟空與盡收。

千年無咎。**末**說來真個怕人、仙師這兩苦已過了、

人說仙師與何仙姑相好。想必這是仙家樂事了。
生。這那裏說起。天上何會有這個仙人。我何曾認
得他。世人演八仙慶壽。要湊脚數。把我扮做生。把
他扮做旦。故有此胡說。

雁兒落。從沒有李和瓜。混道周。更何曾鵲和鶉。詳
中葺。竟說得柳下惠。滿懷羞。便冤他魯男子。開門
誘末。人說仙師會煉丹。多煉些金銀使使。這却是
仙家極樂了。**生**。曉是曉得的。却從不曾試他。

得勝令。也會聞鉛汞化精鏐。却從來鼎火未添抽。

單只爲恐誤千年後。因此上金盡敝貂裘。牀頭祇絳雪。玄霜就囊羞。仗明霞翠栢酬。**末**人說仙師飛劍斬黃龍。可有的麼。這又非苦非樂。自尋的煩惱了。**生**那有這事。

七弟兄他西來意。衍曹溪嫡派流。我庭前栢把臨濟辦香投。任人叅一指禪。原無毒棒。毆何曾見三生石。忍挺銛鋒鬪。

碧玉簫總算我生平珥墮證聞修。薪負矢披裘海汪洋。平等視恩讎。三不惑。細推求。除非是流連杯

酒或招尤。**末**如今酒已竭。月將沉。還到那裏去好。
生我世間住怕了。天上也不願去。還到蓬萊山去
罷。

收江南我悔當初沒來由。入洞府。做班頭。悔如今。
浪遨遊。五濁世。漫淹留。從今後。把俗姻緣。短居諸。
腥烟火。都隔斷。紅塵青宙。我如今。脫埃氛。絲繯緊。
揪須趙他。紫麟蹄驟。駕虛空。罡風漸邁。莫放他。錦。
鸞飛後。破波濤。逆鱗緩兜還。怕他玉龍腰。瘦。**柳仙**
師。如今歸蓬島去。再把世上參參差。差怪怪異異。

的事數說一番、弟子隨口問、仙師隨口答來、呂也
罷你問來、

柳問

呂答

以後問答同上

桴音浮

桴音頭牆也

富貴的玉甌寶鐺。	貧賤的敝裘蒺藜。
得時的拋毬峻坵。	失運的乘桴石尤。
報捷的杏稠桂道。	下第的花憂柳愁。
禦亂的角觥壯猷。	奏凱的纓縷獻囚。
華麗的漆髹絳綬。	朴素的土脰緼褸。
遊俠的馭鞦臂鞬。	本分的守學待餽。

也
搜音搜犬

售音桑

掌選的糊籌喚闖。

詰戎的建旂請蒐。

掄材的薪樵廣收。

圖財的倡優衆咻。

好客的珍羞召麻。

作家的乾餼自偷。

風顯的坐輶宿郵。

微末的負籌控轡。

拚命的決疣剖瘤。

怕事的忍喉俯僂。

大力的降虬伏彪。

恇怯的怕猥讓鰕。

隱逸的鳥啾鹿呦。

奔馳的驢擗馬蹂。

傳道的範疇易售。

問音的峋嶸且躊。

自新的傷鵠好修。

暴棄的貌貅逗遛。

可畏的養由發鏃。

可惜的居州寡儔。

向上的龍猶虎伴。

習下的鷄啁犬嘍。

局大的高嶠萬稠。

品小的深瀆一漚。

最樂的拍浮月幽。

極苦的干擷夜悠。

自重的好逯並頭。

自輕的暗投不俟。

恃功的畜恟魏犢。

逃祿的僻度介休。

除凶的共流放兜。

陷賢的藤游魯涪。

圖霸的殺糾輔周。

僭王的荆首戰鄒。

終養的灑滌報劉。

廬墓的松楸泣哀。

嘒音流

也 藹音垢款

苗音由

杯音哀

知恩的矢抽叩輞。

負心的爵醕相矛。

與利的掘溝鑿湫。

開疆的闢塚廣嘒。

癖書的魏繇酷搜。

慈教的宋歐畫藹。

相制的驕驕畏猴。

相忘的鵠鶩狎鷗。

會睡的能夠少稠。

巴亮的張眸揭幇。

抱穩的耬耨食薶。

脫空的堯鑒錫占。

不保的綢繆冠讎。

一定的溫柔髑髏。

獨自的五侯九旒。

大家的千秋一抔。

義烈的純鈎復仇。

風流的筌篲勸酌。

發音秋小
點也

龜音鳩折
也借韻
獨餅也言
貧而無飯
也

賈勇的取螯挾軻。固寵的鍊驅錦樞。
失體的屬鏤殺鰲。折本的琳球抵牾。
可省的中牟使賊。難罷的離婁點油。
造化的鵲謀住鳩。悔氣的羊揪替牛。
垂芳的楚萋表修。逐臭的薰蕕雜揉。
堅貞的麟騶相攸。苟且的艾獲自搜。
好賭的擲骰手龜。喜嫖的穿紬啖糲。
貪味的蝥蟬佐筍。拚死的鮐鰈弗丟。
延齡的蜉蝣速求。療饑的蛔虬並調。

辛牛膝也

餛飩也
餛飩音搜飯

不音否平聲

自娛的清謳唱螻。

吃苦的濁漉飲蚯。

閒適的植籥種箴。

豫備的斲芋采芣。

濱河的駕觴善泗。

靠山的造筦代舟。

適野的風颭水瀏。

入林的露綢木樛。

行醫的渤洩病瘳。

作巫的呶嘔鬼留。

服食的辟餽餌硫。

燒丹的點勾化鏐。

呂看看原問到仙家來了，想必你心上沒有世上的事了，不要多說，走路罷。

呂自盡了鶴樓石榴。

柳知三島舊遊在不。

呂 解放了湖鰲嶽鹿。

柳 快歸去蓬丘十洲。

合 從此回著首。永看不見世間儂。

集唐

人間亦自有丹丘。月色江聲共一樓。

玉鞭雲外指。碧天無際水空流。

下

仲明

王

全

滕王閣

西神鄭 瑜著

第一折北調

八聲甘州

生扮王勃末扮院子隨上生才分八斗。

學窺七畧。筆擅三長。衙官顏謝。新來壓倒盧楊。珍
重操蛇吹片帆。彭蠡匡廬插翅翔。觸目見黃花。風
雨重陽。巷入烏衣馬糞香。至今淮水尚湯湯。誰言
我輩當時體。光焰猶看萬丈長。小生王勃。省親官
署。舟過馬當。遇山神說滕王閣重陽大宴羣公賦。

詩作序文者、潤筆頗厚、兼可得名、助我一帆風、五
更天行七百里、今已到江邊、院子隨我上崖去、上
介、院子前面一簇人看甚麼、你去看來、末、看回
介、是都督閻老爺出的榜文、說有能作序文者、不
論官品、厚酬首席、生、果有此事、你去揭來、末、揭兩
吏、隨上、那個揭榜、末、我家王大爺能作序文、吏、同
末、見生、介、這小官、只好十一二歲、那裏會作文、末、
走、這是瑯琊王大爺、已有文集、刻在外邊、吏、呀、這
樣小小年紀、會作大文字、莫非是甘羅轉世待我

去報與老爺。吏向內白介稟老爺有一總角小公子揭榜作序。閨內白領他上來西閣裏坐著。把文房四寶與他做得不好回他去。不要出醜。做得好方請相見。他做一聯。你二吏分頭報來。吏應請止作序介。

點絳脣 生唱故郡南昌。洪都新府開屏障。翼軫分疆地接衡廬向。吏向內報南昌故郡。洪都新府。星分翼軫。地接衡廬。閨內白老生常談耳。

泚江龍

生唱看三江蕩漾。更五湖襟帶。控荆湘。吏

向內白襟三江而帶五湖、控蠻荆而引甌越、
閬內白語亦平平、生唱覽物華天寶、射牛斗龍光、若不
是徐孺陳蕃人傑、美怎顯得雄州俊彩、地靈長、吏
向內報物華天寶、龍光射牛斗之墟、人傑地靈、徐
孺下陳蕃之榻、雄州霧列、俊彩星馳、內無語生唱
盡東南賓主、枕夷夏臺隍、吏向內報臺隍枕夷夏
之交、賓主盡東南之美、生問今日之宴、誰是主人、
吏白都督閬老爺、生唱閬公都督、雅望非常、吏報
都督閬公之雅望、榮戟遙臨、閬內白這說到老夫

了。生問客是那個。吏有一位新州宇文太爺。生唱
新州懿範。休暇雲翔。吏報宇文新州之懿範。襜帷
暫駐。宇內白。這說到知府了。生唱。襜帷檠戟。千里
輝煌。吏報十旬休暇。勝友如雲。千里逢迎。高朋滿
座。生問還有幾客。吏總有數十位。我只記得有一
箇孟學士。一個王將軍。生唱。將軍學士。武儷文雙。
騰蛟起鳳。紫電青霜。吏報。騰蛟起鳳。孟學士之詞
宗。孟內白。這說到下官了。吏又報。紫電青霜。王將
軍之武庫。閣內向王白。這說到老盟翁了。王內拍

棹大聲白。好個紫電青霜。生唱。偶然路出名區上。
吏報家君作宰。路出名區。閨內白。是個公子。叫東
房送一通家侍生名帖。請王大爺卽日求教。吏送
帖。生。院子先投一通家晚生名帖。未應送介。生唱。
何幸得躬逢勝餞。忽然的童子生光。吏報童子何
知。躬逢勝餞。閨內白。這是肯來赴宴的了。此後不
須逐句報了。做一段抄一段來。

油葫蘆。生唱。序屬三秋九月涼。望寒潭盡潦潢。暮
山凝結盡紫煙光。儼驂騑上路生悽愴。訪崇阿風

景偏惆悵一會的到長洲臨帝子一會的開舊館
得仙郎忽驚我振舄躡層臺已覺得聳翠重霄上
又看他飛閣正丹翔吏念抄介時惟九月序屬三
秋潦水盡而寒潭清烟光凝而暮山紫儼駢駢于
上路訪風景于崇阿臨帝子之長洲得仙人之舊
館層臺聳翠上出重霄飛閣流丹下臨無地向內
送進介閤內白送茶與王大爺吃吏應送茶生飲
介

天下樂

生唱鶴渚鳬汀島嶼蒼桂殿蘭宮競相連

體勢長。數不盡。披繡闥。俯雕甍。山原曠眺。川澤紆
其駭矚。閭闔撲地。鼎鍾喤。艦迷津。一帶兒。青雀舫。吏
念抄介。鶴汀鳬渚。窮島嶼之滌河。桂殿蘭宮。列崗
巒之體勢。披綉闥。俯雕甍。山原曠其盈視。川澤紆
其駭矚。閭闔撲地。鐘鳴鼎食之家。舸艦迷津。青雀
黃龍之軸。向內送進介。闔內白。送點心與王大爺
吃。吏應送介。

村裏逗鼓

生唱見雲銷兒雨霽。彩區兒明朗。那鶩

孤兒霞落秋一色。長天兒水廣。漁舟晚唱。蠡濱窮

響斷鴻衡嶂。遄飛逸興。遙吟甫暢。清籟風揚。逞纖
歌白雲過爽。吏念抄介。雲銷雨霽。微鳳區明。落霞
與孤鶩齊飛。秋水共長天一色。漁舟唱晚。響窮彭
蠡之濱。雁陣驚寒。聲斷衡陽之浦。遙吟甫暢。逸興
遄飛。爽籟發而清風生。纖歌凝而白雲過。向內送
進介。閨內白。落霞與孤鶩齊飛。秋水共長天一色。
這兩句千秋絕唱了。真天才也。衆內白。真正奇才。
千古無雙的了。閨內白。先討一榼子。一壺酒。與王
大爺一頭吃。一頭做。吏應送生飲介。

元和令 生唱 睢園竹凌彭澤觴。鄴水照臨川。筆陣

朱華樣。逢著這二難四美具并塲。盼中天。娛霄壤。
忽覺得無窮興盡。倏悲傷。不禁我識盈虛。推數象。
吏念抄介 睢園綠竹。氣凌彭澤之濱。鄴水朱華。光
炤臨川之筆。四美具。二難并。窮睇眄于中天。極娛
遊于暇日。天高地迥。覺宇宙之無窮。興盡悲來。識
盈虛之有數。向內送進介

勝葫蘆 生唱 望長安。日下南溟。地勢長橫。倚著天

柱北辰傍。有誰悲失路。關山難越。狀久矣。帝閭不

見杳爾何年宣室。漠然的萍水盡他鄉。吏念抄介
望長安于日下、指吳會于雲間、地勢極而南溟深、
天柱高而北辰遠、闕山難越、誰悲失路之人、萍水
相逢、盡是他鄉之客、懷帝闕而不見、奉宣室以何
年、向內送進介

么生唱、嗟時命從來多舛傷、畧舉那李廣與馮唐、
他易老難封、同骭髀、况兼那梁鴻賈誼、長沙海曲、
豈是乏明王、吏念抄介嗟乎、時運不齊、命途多舛、
馮唐易老、李廣難封、屈賈誼于長沙、非無聖主、竄

滕王閣

六

梁鴻于海曲、豈乏明時、向內送進介

後庭花

生唱

所賴君子達機芒。要窮且堅老當益

壯。白首貪泉潔。青雲涸轍汪。海雖賒。扶搖風壯。須

趁東隅效孟嘗。肯逝桑榆哭阮狂。縱懷著報國腸。

難免這窮途悵。吏念抄介。所賴君子見機。達人知

命。老當益壯。寧知白首之心。窮且益堅。不墜青雲

之志。酌貪泉而覺爽。處涸轍以猶歡。北海雖賒。扶

搖可接。東隅已逝。桑榆非晚。孟嘗高潔。空懷報國

之情。阮籍猖狂。豈效窮途之哭。向內送進介閣內

白可完快了。吏還不像完的。閻從來詩序沒有這
樣長的。客齊久了。要坐席的緊了。又不好催他。

青哥兒

生唱

勃願請終軍長纓。長纓百丈。乘宗慤

長風。長風千浪。幾時脫三尺書生相。捨百齡簪笏。
咸陽奉萬里定省行裝。赴晨昏子舍炎荒。愧不是
謝樹芝房。幸接著孟氏隣芳。未得陪鯉對趨堂。先
捧袂元禮龍枋。撫凌雲揚意潛藏。遇鐘期流水奏
泱泱。情何讓吏。念抄介勃三尺微命。一介書生。無
路請纓。等終軍之弱冠。有懷投筆。慕宗慤之長風。

捨簪笏于百齡、奉晨昏于萬里、非謝家之寶樹、接
孟氏之芳隣、他日趨庭、叨陪鯉對、今晨捧袂、喜托
龍門、揚意不逢、撫凌雲而自惜、鐘期旣遇、奏流水
以何慚、向內送進介、閨內白、做到自叙有結局的
意了、

煞尾 生唱、嗚呼勝地盛難常、梓澤蘭亭樣、幸逢作
賦登高、歎賞所望羣公、一言四韻、請各領陸海潘
江、吏念抄介、嗚呼勝地不常、盛筵難再、蘭亭已矣、
梓澤丘墟、臨水贈言、幸承恩于偉饌、登高作賦、是

所望于羣公、敢竭鄙誠、恭疏短引、一言均賦、四韻俱成、請灑潘江、各傾陸海云爾、
向內送進介、閫內白、如今完了、更不像完的、還在那裏做、
閫序文是完了、如今在那裏做一首四韻的詩了、他筆不停綴、立掃千言、這八句詩一發是他一揮而就的了、
分付厨下、快準備坐席、
吏應下生唱、臨江渚高閣、
滕王、嗟佩玉鳴鸞罷音響、飛畫棟朝雲捲珠簾、西
爽看檻外星移潭影、帝子在何方、
吏念抄介

滕王高閣臨江渚 佩玉鳴鸞罷歌舞

畫棟朝飛南浦雲
珠簾暮捲西山雨

閒雲潭影日悠悠
物換星移幾度秋

閣中帝子今何在
檻外長江空自流

吏送進閣內白好詩好詩做了一篇長文字還有

這樣好詩做出來豈非強弩之末尚能穿七札乎
叫東房送一速帖卽刻求教快請來坐席罷吏送

帖請介生待我到舟中換了衣服來

布帆無恙掛秋風
一鴈南飛破碧空

豈有文章驚海內
飛揚跋扈爲誰雄

第二折南調

一枝花

外扮閬都督上高樓秋色迥。美景良辰併。

雕甍開綺席。晝光永。

小生扮孟學士上燭撒金蓮。

駕四牡。皇華騁。

末扮宇文新州上熊轡假道過梅。

嶺。淨扮王將軍上豹畧龍韶。問何處堪當超乘。集。

杜外元戎小隊出郊垞。小生悵望秋天虛翠屏。末。

仗鉞褰帷瞻具美。

淨江中風浪雨冥冥。外今日聊。

借登高。兼將別悃。適纔那王子安。小小年紀。立草
序文。可稱曠代才子。今去請來赴宴。諸公須禮貌。

他衆正是

懶盡眉

生唱

畫舸乘風片帆輕。乍上帝子危闌。萬

古情。見了些水秀與山明。不負我寸管如梭擲。一

掃縱橫。錦樣呈。小生草序已完。閻公來催赴宴。不

免去相見也。相見介外王先生絕世奇才。今日該

爲首席。生這個豈敢。况家君作宰。還係屬員。小子

豈敢僭妄。外既王先生謙光。且權居台坐。老夫輩

昭穆奉陪。生這一發不敢了。衆這是權坐。不必推

辭。生既承列位大人長者之命。不敢辭了。各坐介

梁州新郎生四英壁合三珠光瑩朱雀寶章餘慶。
西園飛蓋闕鷄新檄初成只爲椿庭墨綬花堦朱
絃官舍趨溫清喜龍門登咫尺聚羣英檻外空江
萬里澄合孤鶩杳落霞靚眺長天秋水烟霏淨描
遠黛對明鏡。

前腔外形牙雲簇朱旂虹亘鵲印肘邊輝映輕裘。
緩帶虛叨半壁長城當此菊飛紫艷楓染頰顏四
海雄豪並更登高能作賦筆鋒勁一點文星貫斗
行合前

前腔 小生忝木天風掛銜水掌池上絲綸閣靜值
遠傳丹詔綺筵躬盛忽見青箱麗藻玉樹扶疎深
愧芳隣孟絕勝侯萬戶識韓荆虎竹龍淵滿座馨

合前

前腔末 承一麾五馬雙旌愧青史龔黃彪炳偶途
經彭蠡得臻名境幸遇坐盈北海簾捲西山獲侍
南樓興筵前逢繡虎墨花倩一帶烟光紫岫凝合

前

節節高

淨魚腸氣未平晚涼增轟醪疊續尊無剩

蘭亭詠。擲地鏗。吾同姓。六朝燕子。今投正。瑯琊人。
物多名勝。合醉眼搔頭。看茱萸。記取明朝誰中聖。
前腔。從吏轅門大纛橫。集高朋。脯山釀海。酬佳景。
八磚影。五袴聲。六花令。更萬言倚馬。敲金鐙。薇垣。
柳壁當欽敬。合前生起介。晚生告辭了。外叫左右。

將我們潤筆資過來。送王大爺。雜捧合上。外這是。
老夫的黃金一笏。蜀錦四端。聊表寸芹。生這不敢。
領。外想是嫌輕了。去交與管家收好。在舟中。雜下。
捧帖畫上。小生這是下官的。鍾太傅尚書宣示真。

蹟一冊、張僧繇畫龍一軸、生太損惠了、小生也去
交與管家收下、雜下挑酒上、末這是小弟的葡萄
酒二罇、是初任涼州帶歸的、又袖出珠介、徑寸夜
光珠一顆、是次任廉州得的、以供王先生午夜讀
書之用、珠請自收了、酒也去交與管家、生謝雜下
內馬嘶介、衆凭欄看介、好馬好馬、淨這是末將送
與大宗臺的、大宛汗血龍駒一匹、黃金鞍、白玉鞭、
全付、生謝介、外夜深了、王先生安置罷、下樓別了、
就騎此馬登舟、明日還要屈到敝衙、與小婿小兒

相見下樓介

餘音衆 滕王蛺蝶飛無定。下危梯離思漸生。看取

大海飄飄幾粒萍。雜牽馬上生。別衆騎馬下

生 金鞭欲下不成嘶

外 烟靄蒼蒼望轉迷

集唐

小生我寄愁心與明月

未淨不關芳草綠萋萋

昭

晃

娟

眼兒媚

子若孟稱舜著

正名

陸制幹巧合錦花鈿

陳教授泣賦眼兒媚

第一折

繡藉旂旒
綽有餘致
而凄清悲
怨處尤足
逼人幽淚
正如花下
美人半啼
半笑令見

楊兒上曾將脂粉畫蛾眉可憐老大幾堪悲白頭
忽憶少年事猶有巫雲夢未歸老身姓江幼時曾
做上廳行首親生一個女兒十分大有顏色更兼
吹彈歌舞翰墨詩詞件件精通但是郎君見他無

者莫能爲
精

月夕女

有不愛的、如今與學中陳教授、彼此眷戀、纏得有
些火熱、只是太守老爹拊束的甚緊、老身生恐太
守知道、拖累不便、幾次要拒絕了、奈女兒纏住不
放、只得依他、今夜月色正明、那陳教授敢又來也、
只得分付下的等候咱、
下生扮陳說上黃卷青燈
一蠹魚、十年讀遍五車書、如今權學看花客、不作
黌門老腐儒、小官姓陳、名說、本貫巴陵人也、幼年
與陸雲西同窗、結爲兄弟、他如今現做荊湖制司
幹官、小官叨登甲榜、僉除岳陽府學教授、此間有

歌妓江柳、生得風流旖旎、巧慧聰明、小官有意娶他、奈於官箴有礙、未敢擅便、只得寅夜踰牆、與他往來、如此已經二載、今晚乘著月色去走一遭者、
下旦扮江柳上、妾身姓江名柳、在此間做一上廳行首、與學中教授陳訖、往來已經二載、他人才聰俊、性格溫存、深愜吾願、約定今夜早來會我、這些時敢就到也、暗想我做妓女的、整日迎新送舊、幾時得個了休、日常當官歌舞、夜半方回、暢好不得自在也呵、

雙調新水令 子規聲叫徹夜三更。則這玉樓人酒闌香賸。尙兀自燈前歌宛轉。月下舞娉婷。似這般薄福殘生。捱不出潑賤前程。雖則是內性聰明。所事多能。乾向花柳內顯名姓。

沉醉東風 做子弟的多。則是青樓薄倖。做獠兒的多。則是紅粉無情。咱可也收不迭買風流。烟月牌。填不滿。葬年少。胭脂笄。更記甚。磣磕磕。海誓山盟。妙舞清歌。絕世能。歎科到頭來。都化做殘英斷梗。內打更鼓。科更漏已沉。他怎生還未到也。

喬牌兒天街月正明。漏斷聲初靜。一簾水浸玻璃
映。盼不見玉人花下影。
生上自家乘著月色背地
到此他門兒半掩只索徑自進去見科大姐我來
也

甜水令
旦見了這繡幙輕搖。人來月下。風移花影。
忙教我含笑起相迎。咱兩個魚水相同。你把咱厮
親厮愛。咱把你厮欽厮敬。好一似鵲橋邊偷會雙
星。
生我今日已不得到晚也。
旦咱可也盼得你久
了。

神農煩絮
龍出一段
風流

朱仙子

一天露白晚風清。十二樓頭淡月明。愛你

個學士官人。沒半點兒俗塵性。入門闌春自生。咱
和你細語叮嚀。比及那楚宋玉多情興。漢相如添
志誠。俺兩人呵。說不盡今夜恩情。生夜深好睡也。

殿前歡

旦早則是夜深沉。滅殘燈。映紗窗嫌殺月

兒明挂垂簷。驀見參兒正。生何處簫聲吹的。慘人

也。旦悄悄冥冥聽何處的吹簫。別院聲。翻入陽關

令。惹起離愁興。咱和你枕邊軟語。一晌消停。生大

姐呵。我若另得陞除。娶你回去。便是夫人縣君也。

旦妾風塵賤妓。怎敢望此。只願相公休負心者。

山石榴

雖則良家許。咱娼家做。只怕咱娼人。沒那。

夫人命。今日俏蘇卿。乾受了雙生定。準備著金花。

誚頭上頂。玉鏡臺手內擎。結果了。這夜夜的短恩。

情向綠窗前。並宿鴛鴦頸。可不道大翻身跳出迷。

幻境。生月輪西墜。曉鍾初動。俺兩人又索相別也。

得勝令

旦猛聽得花外曉鐘鳴。又則見樹上野煙。

橫。俺這翠袖無心舉。您那離絃不耐聽。明夜是必。

早些再來者。再四的叮嚀。願夜夜人休另打辦著。

志誠則朝朝向簾下等。**生**我得便就來相會。只怕
你別有得意人兒也。**旦**噤聲。

鴛鴦煞你道女娘家慣使的楊花性。只怕你官人
們多犯著桃花命。**生**我怎敢別處行踏。只怕太守
知道。阻隔我佳期也。**旦**怕甚麼太守臺前不狗人
情。趁著這淡月疎星。銀河耿耿。早些兒離却書齋。
依翠柳。將身映。獨自微行。把今夜的恩情來再整。

同下

第二折

外扮孟之經上三年出守岳陽城一片冰心徹底清到處春風隨五馬留將德澤播蒼生某姓孟名之經自昔年叨中甲第以來累蒙聖恩擢至岳陽知府此間有教授陳說少年登第頗有才名只是賦性輕狂酷愛花酒聞的他每夜私離學宮與歌妓江柳爲伴某微言誡諭他全然不采前日公譙喚江柳不到某今待拿他來杖責了押隸遠州以絕其後張千拿將江柳來晚堂回話張千理會的同下旦上我自與陳教授爲伴閉門謝客早晚被

母親聒噪的不耐煩。想咱這們衣飯怎生得了休也呵。

前出點絳唇 妓女家規。終身之計。無他事。單則是獻笑追陪。賣俏將門倚。

混江龍 大古來婚姻匹配。老天公註定強難移。空結了些烟花姊妹。露水夫妻。當日的蝶粉乍銷成對早。有時呵。蜂黃退盡。悔時遲。眼前人。遂不得咱從良意。誰當可喜。若個相知。每日價有一班子弟。到咱家行踏。他道咱呵。

油葫蘆爲甚麼冷落秋風掩畫幃。衷腸只自知。想
著星移斗轉夜深時。他呵爲貪花擔受著風流罪。
這幾時被母親扳障的苦也。咱呵爲憐香難避這
腌臢氣。心似痴。情似迷。把麗春園權當做藍田驛。
則待夜夜暗偷期。張千上奉太爺命到此勾拿江
柳江柳在家麼。府堂勾喚哩。**柳見科**哥哥。府堂爲
甚勾我。

天下樂落葉似官身晝夜催。今日因甚的叫喳喳。
把江柳名兒不住的提。莫不是曲江池宴甚客。張

不是旦莫不是翫江樓排甚席。張不是旦若不呵
你奉著那件官差來到此。張太爺惱你哩。旦太爺
爲甚麼惱我。張我不知道。你自去回話咱。旦這事
怎生是了。我和母親說了去來。同下。孟之經上。蓼
蘼衙鼓響。官吏兩邊排。閻王生死殿。東嶽嚇魂臺。
某今日晚衙視事。著張千去拿江柳。想就來也。張
千同江柳上。見科。稟爺江柳拿到。孟怒科。江柳你
知罪麼。旦小的不知甚麼罪。孟你兀自口強。我且
拷廳。責你三十。慢慢問你罪名兒。旦這却怎生是

了也。

醉扶歸 見了他惡眼。仗著兇權勢。使不的咱撒
滯滯賣弄著潑嬌痴。似這般凜凜秋霜鐵面威。老
龍圖慣斷甚閒公事。料著咱妓女們。止不過盡世
裏求錢乞食。是不曾犯下了那一件違條例。孟你
說不曾犯罪。你前日和誰飲酒。悞了官身。却怎麼
說。且小的不曾和誰飲酒來。

遊四門 昨日個露下天高。更漏催明月照窗西。秦
樓夜作金釵會。門掩翠屏低。迷這風月事。早收拾。

眼兒媚

七

孟你兀自抵賴。且問你。那陳教授可到你家麼。且並不曾到家來。孟這賤人頑皮賴骨。不打不招。左右著實打者。張千打科。旦大人息怒。容小的慢慢說來。咱和陳教授兩個呵。

勝葫蘆咱不合玳瑁筵前捧玉杯。索賦了首斷腸辭。他也不合走向章臺折柳枝。做官的不識罪責。做妓女的不知回避。兩下裏供狀總難推。孟那陳教授到你家來。有甚勾當。

么旦也不過閒向香街覓舞衣。飲的個月照海棠。

低須不曾卧柳眠花中酒迷。告大人詳察。審知就裏。這往事再休題。孟都是你賤人引誘他來。

金錢兒

旦直恁葫蘆題。將咱罪名指。孟不是你是

誰。旦咱則不合呵。生來落籍在風塵內。再不合呵。清歌妙舞錦雲圍。孟你門戶中陷了許多子弟也。

旦你道咱逗引得晃郎君。生忿逆。村子弟不誠實。量咱呵。雖是個浪包。婁求食妓。怎當做鬼魔媚賺人賊。孟別的猶可。那陳教授是做官的。你污他清名。壞他官箴。其罪非輕。旦古來做官的。多有流連

花酒不止他一個。孟你說有那個

寄生草

旦秀才們長向花前醉。文苑客多從月下

迷。有一個李謫仙題詩走馬華陰市。有一個杜子美遊春醉倒黃花地。有一個白樂天狂歌淚濕青衫袂。那幾個呵。雖是朝來金鎖點朝班。也則暮回柳巷尋歌妓。孟怒云。這賤人不思己過。顛倒在我眼前。攀今弔古。指東扯西。左右將他鬚邊刺了陳說二字。押隸到辰州居住。不許在此遲留半刻。刺

科

公旦則恨咱身微賤。直恁的命運低。好苦也。那陳
詵呵。咱雖是心兒長。把他人兒記。怎教這鬢兒倒。
把他名兒刺。從今後夢兒空。把他情兒繫。想當初
幽囚風月二十年。到今日遞流花草三千里。孟快
押他出了岳陽城者。

後庭花旦從今後再不索。向花前列舞衣。再不索
侍華筵。奉酒杯。再不索對月下閒歌詠。再不索傍
妝臺學畫眉。哭啼啼。直趕到湘江那壁。則這一片
俏魂兒。化作曉雲何處飛。張押旦下。孟張千押江

柳去了、今後絕了陳詵的念頭、却也不好也、下

第三折

鶻兒上、這一場禍事、怎了、怎了、我女兒被太守痛責、立時趕發辰州居住、辰州隔此八百里、道路又遠、資糧又少、怎生去得、我想此事、都是陳教授拖累的、只得到學裏埋怨他、要他齋發前去者、下生上、俺陳詵不合與江柳往來、被孟之經那厮將江柳拿去杖責、鬚邊刺我名字、立時押隸辰州、兀的不惱殺我也、如今鶻兒來埋怨我、要我齋發盤費、

這事原是我拖累他的。我則索盤囊中所有到郊外餞送他去也。下張千押江柳上。自家張千奉太爺命押江柳到辰州。江柳你是快行動些兒。柳誰想有這一場禍事也呵。

越調鬪鵲鵲淚滿湘江愁連楚峽。都則爲奉酒陪

茶生做了這違條犯法。張太爺言語不許久停火

住。今天色將晚快走動者。旦古道入稀疎林。日下

監押的哥哥忙送殺。當日美恩情兩載三年。今日

泣別離片時半霎。張你怎怨我來。旦我怎怨哥哥

也、

紫花兒序

咱則恨嬌滴滴桃花命薄。颺悠悠柳葉

身輕。虛飄飄蝶夢人遐。

張此去辰州八百里。不是

容易到得。你是必掙挫咱。

旦我怎受的這跋涉也。

咱雖是風塵潑賤。也受用足內苑驕華。今日遠走

天涯。夜宿烟村第幾家。撲簌簌淒淒淚下。怎禁那

落日長亭。千里平沙。**生**上見科。大姐怎狼狽至此。

都是我拖累了也。**旦**妾身遭痛責。妾之命也。與君

何干。但自此去後。相見無期。好苦人也。**打悲科****生**

我今悔恨無及。薄具資糧來送你。出砌末科。這錢六百緡。送大姐盤費。這錢四百緡。付公差留下。路上好生看覷大姐者。張相公不消壘念。一路看覷。都是小人。

三台印

旦提起來痛酸煞。則教我淚做干行下。生

做了這一場風流話。靶自昨日個鬧哈哈。壞了官衙。乾惹得那旁人笑話。生這都是我斷送了你也。旦他道我身遭折罰。都是他送了咱。那太守道壞你官箴。累你清名。皆小賤人之罪。則這名兒點污。

還是咱悞了他。我和你兩地遭磨。只落得一般牽
望。生。天色兒又將晚也。眼前別去。你前途隻影好
自傷心哩。

小桃紅

旦。覷著那滿堤荒草接天涯。黯淡斜陽下。

暮柳離亭自瀟灑。猛嗟呀。淒涼燕子訴不出當年

話。生。大姐此去還望念我不。旦。俺向潯陽水汊菰

蒲葉下。和淚撥琵琶。生。我有詞一首。名曰眼兒媚。

贈大姐爲別。待我表白一遍。咱鬢邊一點似飛鴉。

休把翠鈿遮。三年兩載。千攔百就。今日天涯。楊

枝皆從
詞演出
波萬千

花又逐東風去。隨分入人家。要。不。思。量。除。非。酒。醒。
休。對。菱。花。且。好。傷。心。之。詞。
收科妾當置之懷袖見
詞如見君也。

含笑花 覷咱這一點似飛鴉。須不是額角香鈿掩
翠瑕。則把你名兒牢刺在咱眉尖下。越教人寸腸
牽。淅零零的杜鵑紅淚灑。猛教我。有。何。顏。再。對。
菱。花。生。俺。與。大。姐。二。年。之。交。豈。料。斷。絕。只。在。今。日
也。

禿廝兒 且沒計兒將咱救援。則待化啼鵲飛出三

已將別限俄延。只半霎。今日裏。向天涯。誰家生大
姐。此去自有佳配也。

聖藥王

且呀呀呀。您道是煙樹峽。雲水涯。趁東風。

無地不楊花。則俺這心似撾淚似麻。向湘川寂寞
度年華。怎肯隨分入人家。

床郎兒

再休題香浮翠竿。再休題板撒紅牙。是那

日風流罪發。我甘葵送牡丹花下。

生太守好狠也。

公

且他把咱家責罰。則待折花枝。斷絕根芽。不爭

你做官人怕犯著周公禮法。乾教我妓女們受了。

恁般拋搭生此去千里後會難期大姐休念前言
悞了您終身也旦妾身怎敢他想只怕相公心變
也

小桃紅我待向春風長唱杜陵花比著那蘇小卿
並沒半些兒高下則怕伊呵錦帳銀屏正歌罷貪
戀著那奢華忘却這臨歧執手叮嚀話奴年三八
重回改嫁爭些兒明月落誰家生大姐若肯守志
我怎肯負却前盟也旦妾風塵之身今又遭斷決
遠配千里之外欲君復守前盟恐終是癡想也

東原樂您色膽如天大。咱離情似海遐。你怕不別

折垂條章臺下。空教我夢隔巫山漢水涯。歎科我

則索低照著菱花罷。指定你名兒空罵生。大姐怎

由此言。陳說若負前盟。天必殛之。願大姐暫時忍

耐。我異日定雪此恨也。張諒相公不是負心的。天

色已晚。只索辭別了罷。生我還有一言。大姐身甚

狼狽。怎禁道路上辛苦。望公差方便。停留幾日。趙

行未晚也。張相公分付。只得從命。我回太爺話去。

說大姐有病。暫假數日者。生如此多感。只今日與

大姐告別也。旦悲科。千里之別。只在目下。好苦也。呵。

絳絲娘。愁殺人也。孤雲落霞。苦殺人也。山高水回。似這漢明妃。遠把胡兒嫁。青塚畔。怨魂立化。

尾聲。淚珠兒。直流向瀟湘下。一天愁。怎生按納。不爭我。惱春風。一曲杜韋娘。可不哭殺了你。聽琵琶。

江州白司馬同下

第四折

末扮陸雲西上。使命承宣下九重。歷遍巴山漢水。

中皇家鐵網開三面、不遣南陽有卧龍、某陸雲西是也、今係大宋朝開慶元年、元兵侵犯湖湘、賈平章親自出鎮、以某爲制司幹官、遍走楚蜀、尋覓賢士、入充幕僚、某有兄弟陳詵、在岳陽爲教授、某欲薦他入幕、今巡到岳陽地面、他知某到此、定來見我、左右覷者、有陳教授來、報復我知道、左右理會的、生上我送了大姐回來、聽得兄弟陸雲西馳驛到此、采訪賢士、他在賈平章門下、權勢赫奕、我不免去見他、訴以前情、求他代雪此恨、這裏是公館

了祇候報復去道有教授陳說求見報科陸道有
請左右出傳入見科陸兄弟在此做教官本府待
得好麼生小弟正被人欺侮特求哥哥做主陸你
說來我聽我替你做主生此間有歌妓江柳小弟
與他往來有日昨被太守孟之經拿去杖責了鬢
邊刺您兄弟名字押隸辰州哥哥怎生替小弟做
主咱陸你做官的與妓女往來可也不該麼生事
已至此只求哥哥做主陸我奉平章大人之命探
訪賢士現有制劄在此我將你填入劄內待太守

來見我別有主意、生多謝哥哥、兄弟先告別也、下
孟之經同生衆上、我們係岳陽府合屬官員來接
制幹大人、左右報復去、道岳陽府合屬官員見、左
右報復衆入叅科、陸我奉命到此、你衆官迎接、怎
恁來遲、孟馬報來遲、小官等多有得罪了、送飯科
大人下馬、小官等具小飯伺候、陸如今權且免罪、
各官皆退、只留太守在此同坐、孟喚張千云、制幹
大人、不比往常上司、你等可小心伏侍、一面喚教
坊司祇候者、張理會的、呼教坊上叩頭科、陸我聞

岳陽樂籍中有江柳者善謳誰是也衆江柳不到
陸怒科怎麼不到快去叫來孟背問張千科你前
說江柳在城外可疾忙去喚來張理會的下同旦
上妾身江柳前被押出城外今又差人來呼喚知
是怎生也呵

中呂粉蝶兒恰離了柳市花街早來到愁慘慘斷
魂橋外忽聽的一聲兒台命宣差莫不是我身邊
別犯下甚麼風流譴責猛教我退後趨前告哥哥
休怪

醉春風當日楚館中。拆散了玉樓人。今日秦樓上。

又讌甚金釵客。我待要拍開檀板。碎琵琶。還則怕

官人行責也。那責。**張**上司席上等。你不得少遲。**旦**

我只得急急追隨。這都是官官相畏。更說甚賢賢

易色。**張**你髻邊花文。怎麼處。**旦**我把翠鈿掩了者。

醉高歌重勻杏臉桃腮。再整花裙繡帶。推粘鈿影

遮妝額。賣弄花枝稔色。**張**來到了。你做意過去者。

見科陸是好一個風流角妓也。你在籍幾年了。

普天樂**旦**則咱潑烟花。還不徹風塵債。自小兒朝

遊柳陌暮宿花街。**陸**我聞你歌遏行雲却又秀色

如許真可愛也。**旦**說甚麼歌聲遶畫梁。秀色侵眉

黛。咱則是燕燕鶯鶯逐朝賽。怎熬煎這一般潑賤

生涯。一日的門迎惡客。一日的身親俗子。一日的

晉接喬才。**陸**他既不願爲娼。太守肯將他與我麼。

孟大人台命。怎敢不從。**陸**江柳你肯跟我麼。

迎仙客**旦**咱則是濁凡胎。怎親傍你個斗牛星畔

客。這玳筵前成眷愛。不爭你悞入天台。俺則怕開

攘攘又惹起尊官怪。**陸**笑科太守已與我。你倒不

肯這也隨你、我問你前日有人傳說、太守爲陳教授之事、將你責罰一番、果否、旦此皆妾身之罪、陸笑對孟云、君尙不能容陳教授、豈肯與我、孟大人不問不知、待小官訴說咱、那陳說呵、本是個黷官、教授則待要表帥、那儒門俊秀、不隄他衡一味貪花、帶酒長則夤夜裏去胡行亂走、與妓女每夜價停眠整宿、全不管惹動了旁人笑口、因此上加杖責、遞流江柳也、則爲植官常做成機殼、陸如此太守決斷的也不差、江柳我問你與陳教授初時怎

生相會如今幾時也

紅繡鞋旦我家住在花溪左側。他門對著柳陌前

街。陳學士呵。醉醺醺夜深閒步。月明來。咱低將雲
鬢整。他悄把玉肩挨。兩個美甘甘。剛二載。陸後來
怎麼

喜春來旦昨日個一春花事。西風解把並蒂金蓮

生拆開。那畫眉郎呵。他月明無路赴章臺。愁怎奈

渭城邊朝雨浥輕埃。陸你兩人分別。有甚麼話來

快活三旦他道是再不索待梨花月上來。把繡帳

眼兒媚

夜筵排。新詞一闋訴愁懷。顛倒有天來大。陸詞在
何處。旦出詞科。詞在此。陸讀詞科。好詞好詞。太守
你覷波。似此才子。不在司馬相如之下。便狎一妓
女。却也何妨。君以常人目之。可爲不知人矣。今平
章大人檄他入幕。現有劄子在此。此事將奈何。出
劄看科。孟望大人做主。陸耳暗科。只可如此如此。
孟隨大人主見。陸快請陳教授來。張千理會的。下
同生上。參拜科。陸教授不消行禮。平章大人請你
入幕。我和你是同官也。孟大人高除貴職。小官只

合參拜生小官在此二載罪愆如山望大人台宥
孟只是小官多有得罪望勿介懷左右再整酒奉
二位大人坐科陸江柳你認得他麼

石榴花旦則見月明千里故人來教人暗地自疑
猜莫不是風吹春夢入陽臺一個輕狂的秀才一
個潑賤的裙釵咱兩個呵尊前相見情無奈生我
須不曾拖累你你把前事細說一遍與陸大人聽
者旦把前事兒訴說明白大都來風流却被風流
害不禁的兩淚自盈腮孟前事休題今日就是我

和陸大人爲媒、替你除去樂籍、與陳大人做了夫人、可好麼、**旦**慚愧也、怎想有今日呵、

剔銀燈他憐我朱顏粉腮。我憐他黃齏酸菜。惹的個一場禍事如天大。誰承望再世和諧。這成合。那拆開。都是您漢蕭何暗裏裁劃。**換衣拜科**

耍青菜他腰稱烏犀帶。我頭插紫鸞釵。纔顯得風流的氣概。一對芙蓉錦堂開。償盡了無邊的黑海相思債。

鮑老兒自當日分開玉鏡臺。我則道終身兒流落

在荒郊外。喜今日除名煙月牌。掙出風塵界。兩載
三年。千攔百就。驀地重諧。將鸞簫象管。鳳笙錦瑟。
早換了玉誥金釵。揚兒上聽的陳教授高陞。與我
女兒成其姻眷。我去看女兒來。**旦見科**母親早則
喜也。**孟**今日江夫人有重完之慶。陳大人有榮授
之喜。小官當殺羊造酒。再作慶賀的筵席。

尾聲**旦**一個穩稱了巫山雲雨情。一個證果了玉
殿賦詩才。兩般兒才貌。今無賽似這等粉頭措大。
可不道美名兒播滿楚章臺。

花酒場中失脚多
當年休笑鄭元和
請歌一曲眼兒媚
不是聰明不著魔